

ত্ৰিপুৰা হাফাঙ
ককথুম তেই হুকুমু দাগিখুঙ

স-২৪২৬

আগৰতলা, ২০ আগষ্ট, ২০২৫

মহাৰাজা বীৰবিক্ৰম কিশোৰ মানিক্য বাহাদুৰ দেববৰ্মানি
ফিল ১১৭ বিসি আচায়মা সাল পালায়মুঙ পানদাঅ মন্ত্ৰি অকীৰা
মহাৰাজা বীৰবিক্ৰম কিশোৰ মানিক্যনি জত' উনসুকমা
হাসতে তেই লুকুৰগনি হামকীৰাইনি বাৰ্গীই

মানিক্য বুবাগীৰা বসঙনি পাইথাক বুবাগীৰা মহাৰাজা বীৰবিক্ৰম কিশোৰ মানিক্য আংখা খা কুবুইবাই ইমাং নুকনাই। বিনি কুখুক উনসুকমাঅ হাসতেনি রৌঙ, সাকহাম, থাংলায়সুনি তঙহালক, হাতি, ব্যাংকিংহি সেপ চেঙমানি লগি লগি সীকাঙনি সীলাই হামকীৰাইব' আংখা। বিনি জত' উনসুকমা হাসতে তেই লুকুৰগনি হামকীৰাইনি বাৰ্গীই। থাংনাই ১৯ আগষ্টঅ রবীন্দ্র শতবাৰ্ষিকী ভবনঅ হাসতে বেৰেমনি বুবাগীৰা বীৰবিক্ৰম কিশোৰ মানিক্য বাহাদুৰ দেববৰ্মানি ফিল ১১৭ বিসি আচায়মা সাল পালায়মুঙ পানদান' চেঙগীই অ কক সাখা মন্ত্ৰি অকীৰা প্ৰফেসর (ডা.) মানিক সাহা। পানদাঅ মুঙগীনাং রৌঙকীৰৌঙ তেই হুকুমুন' তীয়াই তঙনায় শচীন কলইন' তাকীলাই বিসিনি মহাৰাজা বীৰবিক্ৰম মুকুমু সকাত য়াফাৰীই রিজাকখা। সকাতন' য়াফাৰীই বন' য়াকপাই, বরমবীলাই তেই ১ লক্ষ রাঙনি চেক রিজাকখা। ককথুম তেই হুকুমু নাইখুঙনি তীয়দুলমুঙবাই অ পানদান' সঙচাজাকখা।

পানদাঅ কক নারীকনা থাংগীই মন্ত্ৰি অকীৰা প্ৰফেসর (ডা.) মানিক সাহা সাখা, মহাৰাজা বীৰবিক্ৰম কিশোৰ মানিক্য বিনি কিসিচা লাংমাঅন' হাসতে তেই হাসতেনি লুকুৰগনি হামকীৰাইনি বাৰ্গীই দাল-বিদাল উনসুকতাঙ রমখা। ফাতার হাঅ বেৰায়াই নুকমান' সামুঙগ' ফীনাঙগীই হাসতেনি হামকীৰাইনি বাৰ্গীই ব কায়সা কতরমা য়াপিৰি রমখা। হিন্দু ধৰ্মন' মানিনাই আংফান' জত' ধৰ্মন'ন' ব বরম রিঅ। হাসতেনি কুচুক রৌঙনি বেখেৰেপনি হামকীৰাইঅ বিনি খীলায়মুঙ সাউই সাবাইয়া। মন্ত্ৰি অকীৰা সাখা, তাবুকনি হাফাঙব' বুবাগীৰানি উনসুকমুঙনি লামাতীই হাসতেনি জত' হামকীৰাইঅ সীকাঙগীই তঙগ'।

মন্ত্ৰি অকীৰা সাখা, সীকাঙনি হাসতে হাফাঙনি জৰাঅ ত্ৰিপুৰানি বুবাগীৰাৰগন' নাংমানি বরম রিজাকয়া। তাবুকনি হাফাঙনি জৰাঅন' বিৰখুঙ খলানি মুঙন' মহাৰাজা বীৰবিক্ৰম মানিক্যনি মুঙগীই খীলায়জাকখা। বিনি আচায়মা সাল ১৯ আগষ্টন' লেংলানা সাল সাকীলাইজাকখা। মন্ত্ৰি অকীৰা সাখা, আচায়মা সাল' সিমিন' মহাৰাজান' খুমতীরাং কানিউই বরম য়াফাৰখেন' আংয়া, বিনি নাহারমুঙ তেই উনসুকমুঙন' তীয়াই তাবুকনি আচায়সঙন' সিরিনানি নাংনাই। হাকতর খাকজাকফুর পূৰ্ব বাংলানি সিমি ফায়নাই কাৰীই বিগীৰা বরকরগন' ব খায়রগীই চামুঙ তেই তঙনানি থায় সীনাৰ্মীই রিখা। আবনি বিসিংতীইন' মহাৰাজানি খাকুডাৰনি তঙমুঙ নুগীই মান'। কবিগুৰু রবীন্দ্রনাথ ঠাকুর মানিক্য বুবাগীৰা বসঙনি পাইথাকনি বুবাগীৰা খরকক্ৰীয়াবাই কাহামকুক হালক তঙমানি। মহাৰাজা বীৰবিক্ৰমন' কবিগুৰুন' ভারত ভাস্কর মুঙগীই বরম য়াফাৰ'।

মস্তি অকীরা সাখা, তাবুকনি হাসতে হাফাঙ হাসতেনি কীচাম হুকুমু-মুকুমুন' রমাই তেই পিরাই হাসতেনি হামকীরাইঅ সীকাঙগাঁই থাংনানি নায়'। সবকা সাথ সবকা বিকাশ, সবকা প্রয়াস তেই সবকা বিশ্বাস অব' স্লোগান সিমিয়া, তঙকসঙ লুকুরগনি হাকতর তেই হাসতে হাফাঙনি খীলায়মুঙন'ব' ফুনুগ'। ভারত হাকতর উইরে উইন' ফাতার হাবাই চপরবজাকখা। আব'নি উল'ব' অ হাকতরনি হুকুমু-মুকুমু কীথাঙ তঙগাঁই তঙগ'। আবন' ভারতনি লুকু আংগাঁই চিনি কুঙ চুকজাকনাই কক।

মস্তি অকীরা সাখা, মস্তি বখ'রক নরেন্দ্র মোদিনি হর ঘর তিরঙ্গা তাঙবীতাংনি বিসিংতাই হাকতর যকমুঙ মানফুরু তেই আবন' নারীকনাঅ লাংমা রিলাংনাই খাগীনাংরগনি লাংমা তেই নুকমারিন' তীয়াই তাবুকনি আচায়সঙন' সিরিনানি নাহারমুঙগ' কায়সা তাঙবীতাং রমজাকখা। তাম'নি হিনবা বাইথাঙনি লাংমা য়াফারনাই সেঙকীরাকরগন' মুইতু খীলায়য়াউই হাকতরন' সীকাঙগাঁই তীলাংগাঁই মানয়া। মস্তি অকীরা সাখা, ধর্ম, বর্ন, জাতি, জনজাতি জতন' অ হাকতরনি বীসা। জত'নি সাকথারমুঙবাইন' কাহামকুক হাকতর সীনামাই মাননাই।

পানদাঅ কক নারীকনা থাংগাঁই তাঙচুরু নাইখুঙনি মস্তি শুক্লাচরণ নোয়াতিয়া সাখা, তাবুকনি হাফাঙনি জরাঅ বুবাগীরারগন' নাংমানি বরম রিজাকখা। হাসতে তেই বুবাগীরা নুখুঙনি ফাইসিংগ' তাবুকব' হাসতেনি লুকুরগ বরম রিঅ। পানদাঅ কক নারীগাঁই এমপি কৃতি দেবী দেববর্মা সাখা, ত্রিপুরানি বুবাগীরা তেই বুবাগীরা নুখুঙনি বরকরগ জতন' হাসতেনি লুকুরগনি হামকীরাইনি ককন' উানসুগাঁই থাংখা। অ হাসতেনি জতনি হামকীরাইনি বাগাঁই জাতি, জনজাতি জতন' কীথাউই কিচিথনি হালক বউই বাকসাথে সামুঙ তাঙনানি নাংনাই। পানদাঅ লামসগাঁই কক নারীকখা ককথুম তেই হুকুমু নাইখুঙনি সেক্রেটারি ড. পি কে চক্রবর্তী।

পানদানি পুইলা ফাইসিংগ' মস্তি অকীরান' খবাই কুবুনি নারুউইরগ মহারাজা বীরবিক্রম কিশোর মানিক্যনি মাঙপিলিঅ খুম রিউই বরম য়াফারখা। আবন' কারাই বুবাগীরানি লাংমা তেই সামুঙ তাঙমারগন' তীয়াই পানদাঅ কায়সা ককথুম মাঙপিলিব' ফুনুকজাকখা। পানদাঅ কুবুনি নারুউইরগনি বিসিংগ' মানজাক ফায়খা আগরতলা পুর নিগমনি মেয়র দীপক মজুমদার, পদ্মশ্রী স্বামী চিত্তরঞ্জন মহারাজ, মুঙগীনাং রীঙকীরীঙ জগদীশ গণচৌধুরী, হাসতেরেম হুকুমু অ্যাডভাইজরি কমিটিনি ভাইস প্রেসিডেন্ট সুব্রত চক্রবর্তী তাই ককথুম তেই হুকুমু নাইখুঙনি দাগিফাঙ বিশ্বিসার ভট্টাচার্য।

আবন' কারাইব, ফুঙগ' কামান চৌমুহনী গানানি জিরো পয়েন্টঅ সীনামজাক মহারাজা বীরবিক্রম কিশোর মানিক্যনি মাঙথঙগ' খুমতীরাং কানিখা মস্তি অকীরা প্রফেসর (ডা.) মানিক সাহা, আগরতলা পুর নিগমনি মেয়র দীপক মজুমদারন' খবাই কর্পোরেটরসঙ।